

**INATSIARTUT  
OMBUDSMANDIATA  
UKIUMOORTUMIK  
NALUNAARUTAA  
1999**

## **04 - 6 Nukissamik pilersuinermi suliffik pillugu naammagittaalli-**

### **uutit.**

*Innaallagissamik atuinermut uuttuutip kukkusumik uuttuisimamera pillugu suliffimmut naammagittaalliumminik Nukissiorfiit aalajangiisimanagerat A-p naammagittaalliuutigaa.*

*Suliassap suliarinissaa Ombudsmandip itigartitsissutigisimavaa, tassami Nukissiorfiit aalajangiinerat Naalackersuisunut naammagittaalliuutigineqarsinnaammat.*

*Tamatumunnga peqatigitillugu Ombudsmandip oqaaseqaatigaa nukissanik pilersuineq pillugu Inatsisartut peqqussutaata §-iisa 22-anni naammagittaalliornissamut malittarisassap Naalackersuisunut naammagittaalliorsinnaatitaaneq naammaginartumik erseqqissuseqalersinngikkaa, tassami inatsisitigut aalajangi-gaanngitsumik tunngaveqarluni Naalackersuisunut, qulliuneru-sumik oqartussaasunut, suli naammagittaalliorsinnaasoqarmat.*

*Ombudsmandi nangilluni oqaaseqaateqarpoq aalajangersagaq naammagittaalliornermi Nukissiorfiit iluanni aqquusaagassanik immikkoortunik tunngavissinngitsoq, taamaallaalli suliffimmi immikkoortorta qarfiup sorliup aalajangiisinnaaneranik aalajangersaalluni.*

*Nukissiorfiit tuniniaanermut pilersuinemullu piumasaqaataat matumunnga naapertuutinngimmata, tassami aalajangersakkat naammagittaalliornermi Nukissiorfiit suliffiunerata iluani aqquusaagassanik aalajangersaannngimmat, tamatumunnga peqatigitillugu Ombudsmandi aalajangerpoq tamanna pillugu Inatsisartut Inatsisit Atortinneqarnerannut Ataatsimiititaliaannut Naalakkersuisunullu nalunaarutiginninniarluni, tak. ombudmandi pillugu inatsimmi § 11. (J.nr. 11.60.10.3/038-98)*

1995-imi 1996-imilu innaallagissamik atuinini Nukissiorfiit eqqortumik naatsorsorsimannngimmasuk A 12. november 1996-imi naammagittaalliorpoq.

Suliap sularinissaa 16. december 1996-imi Atorfeqarfiup itigartitsissutigaa, pissutsillu Nukissiorfinnut toqqaannartumik naammagittaalliuutigeq-qullugit A innersuullugu.

Pissutsit taakku A-p 5. februar 1998-imi uannut naammagittaalliuutigeq-qippai, innaallagissamillu atuinermut uuttuutip 8. november 1996-imi taarserneqarnerata kingorna 1997-imi innaallagissamik atuinermi nalunaarsorneqartup malunnaatilimmik annikilleriarsimanera innersuussutigalugu.

A nangilluni oqarpoq Nukissiorfiit K-mi immikkoortorta qarfiannut oktober 1997-imi naammagittaalliorsimalluni, kisiannili 1995-imi 1996-imilu innaallagissamik atuinermik naatsorsuinermi kukkusoqarsimannngitsoq Nukissiorfinnit oqaatigineqarluni.

A-p naggataatigut oqaatigaa K-mi Nukissiorfinnut december 1997-imi kingullermik saaffiginnissimalluni, sulialli suliareqqinneqarnissaanik qinutigisani Nukissiorfinnit isummerfigineqarsimannngitsoq oqaatigalugu.

Innaallagissamik atuinerup nalunaarsorneqartup allanngorarneri pillugit paasissutissanit A-p uannut nassiuusaanit makku takuneqarsinnaapput:

6. oktober 1992-imit 28. september 1993-imut innaallagissamik atuneq 2994 KWH-iusoq naatsorsorneqarsimavoq.

28. september 1993-imit 27. september 1994-imut innaallagissamik atuneq 2711 KWH-iusoq naatsorsorneqarsimavoq.

28. september 1994-imit 26. september 1995-imut innaallagissamik atuneq 3297 KWH-iusoq naatsorsorneqarsimavoq.

26. september 1995-imit 27. september 1996-imut innaallagissamik atuneq 4049 KWH-iusoq naatsorsorneqarsimavoq.

27. september 1996-imit 8. november 1996-imut innaallagissamik atuneq 341 KWH-iusoq naatsorsorneqarsimavoq.

8. november 1996-imit innaallagissamik atuinnermut uuttuutip taarserneqarneranit 17. september 1997-imit innaallagissamik atuineq 2863 KWH-iusoq naatsorsorneqarsimavoq.

Suliamik suliarinninnut atatillugu ingerlatsiveqarfik allakkatigut imatut attaveqarfisarsimavara:

Isumaginninnermut, Suliffeqarnermut Pisortallu Suliassaqarfiutaannut Pisortaqaarfik 23. februar 1998-imi qinnuigaara suliaq taanna naammagittaalliutitut suliariumanerlugu nalunaarutigeqqullugu, tak. nukissamik pilersuineq pillugu Inatsisartut peqqussutaanni nr. 14-imi 6. november 1997-imeersumi § 22.

Pisortaqaarfik 24. april 1998-imi akivoq:

“... ”

Nukissamik pilersuineq pillugu Inatsisartut peqqussutaanni § 22-imit oqaaseqaatini takuneqarsinnaavoq suliffeqarfiit nukissamik pilersuisut allaffissornikkut ingerlatsinerat, nakkutilliinerat oqartussatullu sulinerat pillugit naammagittaalliutit aqutit nalinginnaasut atorlugit suliffeqarfiup nukissamik pilersuisup aqutsuisunut ingerlatinneqartassasut. Tamatuma kingorna naammagittaalliutit Naalakkersuisunut naammagittaalliutigineqarsinnaapput.

Suliami allagaatini Pisortaqaarfimmit nassiunneqartuni A-p naammagittaalliutaata naammagittaalliormi aqqutissaq qulaani taaneqartoq malissimaneera takuneqarsinnaanngilaq, Nukissiorfillu qullersatut pisortaannut saqqummiunneqarsimansoq aamma takuneqarsinnaanani. Taamaattumik tungavissat pigineqartut tungavigalugit isumaqarpugut suliap naammagittaalliutitut suliarineqarnissaanut pisutissaqanngitsoq, kisiannili nukissamik pilersuineq pillugu Inatsisartut peqqussutaanni § 22-mut oqaaseqaatini periuseq qulaani allaaserineqarsimasoq innersuussutigalugu. Tamatuma kingorna Nukissiorfiit qullersatut pisortarisaasa aalajangiinerat naammagittaalliutigissallugu pissutissaqarpat naammagittaalliut Pisortaqaarfimmut suliarissanngorlugu naammagittaalliutigineqarsinnaavoq.

“... ”

4. juni 1998-imi pisortaqaarfik ilassutaasumik nassuiaateqaqqullugu qinnuigaara:

“... ”

Siullertut pisortaqaarfik qinnuigineqarpoq nalunaarutigeqqullugu Naalakkersuisut peqqussutip § 22-anni imm. 2-mi suliani Nukissiorfinnut tunngasuni naammagittaalliorsinnaatitaaneq pillugu malittarisassiornissamut piginnaassuseqartitaanertik atorsimaneeraat.

Aappaattut pisortaqaarfik qinnuigineqarpoq pisortaqaarfiup allaffissornikkut naammagittaalliorfissaqarnermik, tamanna soorlu nukimmik pilersuineq pillugu peqqussummut siunnersuutip oqaasertaani allaaserineqarsimasoq, isumaa pillugu ersarinnerusumik nassuiaateqarfigeqqullugu.

Pingajuattut pisortaqaarfik qinnuigineqarpoq suliani Nukissiorfinnut tunngasuni naammagittaalliornissamut periarfissat pillugit innuttanut ilitsersuusiortoqarsimansoq ilisimatitsissutigeqqullugu.

“... ”

Tamatumunnga peqatigitillugu Nukissiorfiit qinnuigaakka suliami allagaatit atukkiuteqqullugit oqaaseqaateqaqqullugillu.

Nukissiorfiit 29. juni 1998-imi imatut akivaannga:

“...  
 Nukissiorffinnut sukkulluunniit allakkatigut naammagittaalliummik tunniussisoqarsimanginnerata kingunerisaanik uuttortaannermi allagartat uuttuutip taarserneqarneranut atatillugu allattuiffigineqarsimasut (assilineri ilanngullugit nassiunneqarput) saniatigut suliasami allagaatinik allanik peqanngilaq.

Pisuni taamaattuni nalinginnaasumik periusersartakkavut pillugit kiisalu suliasami aalajangiisooqarsimappat naammagittaalliuuteqarnissamut periarfissat pillugit sukkulluunniit ilisimatitsisoqarsimangissorinarnera Nukissiorffit ajuusaarutigaa. (Naammagittaalliuuteqarsinnaaneq sarfamik pilersuinnermut atatillugu piumasaaqaa-titsinni quppernermi 11-mi allaaserineqarsimavoq).

Atuisartoq uuttortaait eqqoqqissaanginnerannik pasitsaassimasaqarluni Nukissiorffinnut saaffiginnikkaangat uuttortaait eqqoqqissaassusianik misissuinnermi naammagittaalliuut pissutissaqanngitsoq paasineqarpat misissuineq pineqartup nammineq akilissagaa ilisimatinneqartarpoq. (Misissuineq assartuinnermut akiliut ilanngullugu kr. 3-400-t missaannik akeqarpoq).

Kisiannili uuttortaammik misissuineq pissutissaqartoq paasinarsippat (tamannalu qaqtigoortorujussuuvooq) uuttortaait ilumut eqqoqqissaartuunerata misissorneqarneranut aningaasartuutit kiisalu atuinikinnerusimanerup missiliuussinikkut nalinga Nukissiorffit taarsiissutitut utertillugu akilertarpaat.

Suliami matumani isumaqarpugut uuttortaammik taarsiinnermut atatillugu atuinerulernermik paasisaq uuttortaaitoqqap (LK type F8-p) uuttortaaitini taamaattorpiani kaavittu atuinermik nalunaarsuinnermi atorneqartartut toqqaviisa ajoquteqartarne-rannik peqquteqartumik atuinerpiamit annikinnerusumik nalunaarsuinneranik pissu-teqarsinnaasoq. Uuttortaait aaqqissuunneqannginnerani uuttuinnermini kukkunerisartagaanik nalunaarsuianik ajoraluartumik peqartoqanngilaq.

Uuttortaait taamaattut kaavittuisa atuinermik nalunaarsuinnermi atorneqartartut toqqaviini saviup kajungerisaanik illuatungeriinnik peqarpoq kaavittup qitermigut meqqutaasamik ikkuffimmi nyloniusumi kaaviffeqarluni "qangataffigisaanik". Toqqavimmu tassunga perajunnik (saviup kajungerisaata nutsuineratigut) katersuuttoqarneratigut ikkuffiup toqqavia tumaasatut ittumik nungullarneqaleriartortarpoq, taamaalliluni kaavittup kaavinniarnera kinernerulersarluni. Tamatuma kingunerisaa-nik uuttortaait nalunaarsuina kigaallisarpoq, kWh-llu atorneqartorpianit ikinne-rusut nalunaarsulersarlugit. Uuttortaait iluarsaanneqarnerani kaavittup meqqutaasata toqqavii safrinik nalinginnaasunik marlunnik taarserneqartarput.

Uuttortaait taamaattoq elektroniskiusumik eqqortumillu nalunaarsuisumik taarserneqaraangat atuisoq soorunalimi atuinersutut misigisimaqalersarpoq.

Uuttortaait elektroniskimik tamakkiisumik ingerlasup nutaap eqqoqqissaassusia nalornisoortugineqarpat uuttortaait qanoq eqqortigisumik uuttortaasinnaanera suliffeqarfimmit uuttortaatinik taamaattunik misissuinnissamut akuerineqarsimasumit Danmarkimiittumit taamaallaat misissorneqarsinnaavoq. Uuttortaait pineqartup (Enermet nr. ...) NESA A/S-imi misissorneqarnissaa Nukissiorffit massakkut isumagisimavaat.

Misilittaaneq pillugu inaarutaasumik nalunaarsuaq tiguneqarpat suliaq uterfigeq-qissavarput. Taamatut misissuinnissaq Nukissiorffit siusinnerusukkt isumaginiarsi-mangimmassuk uuttortaait misissorneqarneranut atatillugu aningaasartuutit uagut akilissavagut.

“...”

Pisortaqarfup 27. august 1998-imi imatut akivaanga:

“...”

Kiassarnermik, imermik innaallagissamillu tamanut pilersuineranut Nukissiorfiit tuniniaanermut pilersuineramullu piumasaqaataannut innersuussinikkut Ombudsmandip apeqqutai tamarmik akissuteqarfigneqarput.

Nukissiorfiit pillugit naammagittaalliuteqarniaraanni ungasissumit kiassarnermik, imermik innaallagissamillu tamanut pilersuineranut Nukissiorfiit tuniniaanermut pilersuineramullu piumasaqaataanni naammagittaalliorsinnaanermut ilitersuutit takuneqarsinnaapput. Tassani allassimavoq Nukissiorfiit pilersuinerannut, akiligassiisutaannut allanulluunniit naammagittaalliutit najugaqarfiusumi nukissiuuteqarfimmut allaganngorlugit tunniunneqartassat. Illoqarfimmi nukissiuuteqarfimmi aalajangiunneqarsimasunut naammagittaalliutissaqaraanni, taava Nukissiorfiit qullersaqarfianni ittuusumut naammagittaalliortoqassaaq. Tamatuma kingorna Nukissiorfiit aalajangiinerat nukissiuuteqarneq pillugu Naalakkersuisoqarfimmut naammagittaalliutigineqarsinnaavoq.

Ombudsmandip naammagittaalliut Nukissiorfinnut oqaaseqaateqarfigeqqullugu ingerlateqqissimagaa ersepoq.

Pisumi oqartussaasup pisinnaatitaaffianiinngitsumi oqartussaasup saaffiginnissutininik ingerlateqqittussaataitanera pisortatigoortumik ingerlatsinermi suliaqarneq pillugu Inatsisartut inatsisaanni § 7-imi imm. 2-miittoq Ombudsmandip Pisortaqarfimmut erseqqissaassutigaa.

Tassunga atatillugu erseqqissaatigineqassaaq naammagittaalliorsinnaanermut aqutissaq atornagu suliaq ingerlanneqarsimammat, A-llu K-mi Nukissiorfik pillugu naammagittaalliutaa Pisortaqarfiup tigusimannigkaa.

Akerlianilli Ombudsmandip saaffiginnissutaa 1998-imi februarip 23-aneersoq Pisortaqarfiup suliarisimavaa, tassani Ombudsmandi suliamik misissuisitsinnginnermini nukissanik pilersuineq pillugu Inatsisartut peqqussutaanni § 22 malillugu naammagittaalliut naammagittaalliutit suliaqartut siuartinneqassanersoq Pisortaqarfiup oqaaseqaataaniq ujartuivoq. Pisortaqarfiup taamaattoqarsorinngilaa, tassami naammagittaalliutigineqarsinnaasut tamakkersimannigitsut allakkiami takuneqarsinnaammata.

Nukissiorfiit toqqaannartumik naammagittaalliutigineqarsimannigimmata Ombudsmandip saaffiginnissutaa 1998-imi februarip 23-aneersoq Pisortaqarfiup Nukissiorfinnut ingerlateqqissallugu pissutissaqartissimannigilaa.

...”

Nukissiorfiit 18. september 1998-imi nalunaarfigaannga A-p uuttuutaa-nik misissuineq uuttuutip kukkuneqarneranik takutitsisimannigitsooq, suliarlu tassa inaarneqartutut isigineqartoq. Allakkat taakku assilineri A-mut nassiunneqarsimapput.

28. oktober 1998-imi Nukissiorfiit qinnuigaakka suliaq A eqqarsaatigalugu qanoq aalajangiivineqarsimanersoq ilisimateqqullunga.

3. november 1998-imi pisortaqarfimmut imatut allappunga:

“1998-imi januarimi K-mut tikeraarnerma nalaani A saaffiginneqqippooq naammagittaalliutigalugulu arlaleriarluni 1995-imi kallerup-inneranut uttuutiliussap kukkusumik nalunaarsuisarsimaneranik isumaqarnini pillugu Nukissiorfinnut saaffiginnitarsimanini suli paasinarsisinneqarsimannigimmata.

23. februar 1998-imi A-p saaffiginnissutaa Nukissamik pilersuineq pillugu Inatsisartut peqqussutaanni § 22 naapertorlugu naammagittaalliutit suliarinissaanut pissutissaqartitsisorineraa nalunarutigeqqullugu Isumaginninnermut, Suliffeqarnermut Pisortallu Suliassaqarfutaannut Pisortaqarfik qinnuigaara. Pisortaqarfimmut allakkanni suliap ingerlasimanera, A-p uannut saqqummiussisimanera naapertorlugu,

allaaseraara suliamilu allagaatit, A-p naammagittaalliornermini uannut saqqummi-ussimasai tamaasa, allakkanut ilanngullugit nassiullugit.

Pisortaqarfik allakkatigut 24. april 1998-imeersutigut nalunaarpoq suliassap naammagittaalliutitit suliarinissaanut pissutissaqarsorinani, tassami “Suliami allagaatinit Pisortaqarfimmu nassiunneqarsimasunit ersinngilaq A-p naammagittaalli- uutaa naammagittaalliorfissaq qulaani allaaserineqartoq naapertorlugu ingerlasima- nersoq, taamaalillunilu Nukissiorfiit qullersaqarfiannut saqqummiunneqarsimane- soq. Taamaattumik suliami ilisimaneqartut tunngavigalugit isumaqarpugut suliap naammagittaalliutitit suliarinissaanut pissutissaqanngitsoq, kisiannili periutsimut qulaani Nukissamik pilersuineq pillugu Inatsisartut peqqussutaanni § 22-mut oqaa- seqaatini allaaserineqarsimasumut innersuussivugut.”

Pisortaqarfiup allagaasa 24. april 1998-imeersut pisortaqarfik allakkatigut 4. juni 1998-imeersutigut imatut qinnuigissallugu pissutissaqartippaanga:

- Naalakkersuisut peqqussutip § 22-anni imm. 2-mi suliani Nukissiorfinnut tun- gasuni naammagittaalliorsinnaatitaaneq pillugu malittarisassiornissamut pigin- naassuseqartitaanertik atorsimaneeraat nalunaarutigeqqullugu,
- Nukissiorfinni suliffeqarfiusumi tapiiffineqartarluni imminut aquttumi allaf- fissorikkut naammagittaalliorfissaqarnermik pisortaqarfiup isumaa pillugu nas- siaateqaqqullugu,
- aamma suliani Nukissiorfinnut tunngasuni naammagittaalliornermissamut periarfis- at pillugit innuttaasunut ilitersuusiortoqarsimaneersoq ilisimatitsissutigeqqul- lugu.

Pisortaqarfik allakkatigut 27. august 1998-imeersutigut akivoq “Kiassarnermik, imermik innaallagissamilu tamanut pilersuinermit Nukissiorfiit tuniniaanermit pil- lersuinernullu piumasagaataannut innersuussinikkut Ombudsmandip apeqquatai ta- marmik akissuteqarfineqarput.”

Nukissiorfiit tuniniaanermit pilersuinernullu piumasagaataat pisortaqarfiup al- lakkanut ilanngullugit nassiuppai.

Pisortaqarfik aammattaq allappoq, “Akerlianilli Ombudsmandip saaffiginnissu- taa 1998-imi februaarip 23-aneersoq Pisortaqarfiup suliarisimavaa, tassani ombuds- mandip suliamik misissuititsinnginnermini nukissamik pilersuineq pillugu Inatsisar- tut peqqussutaanni § 22 malillugu naammagittaalliutit naammagittaalliutitit sulias- satut siuartinneqassanersoq Pisortaqarfiup oqaaseqaataanik ujartuivoq. Pisortaqar- fiup taamaattoqarsorinngilaa, tassami naammagittaalliutigineqarsinnaasut tamak- kersimannigut allakkiami takuneqarsinnaammata.

Nukissiorfiit toqqaannartumik naammagittaalliutigineqarsimannimmata om- budsmandip saaffiginnissutaa 1998-imi februaarip 23-aneersoq Pisortaqarfiup Nu- kissiorfinnut ingerlateqqissallugu pissutissaqartissimannigilaa.”

Pisortaqarfiup suliap naammagittaalliutitit suliarinissaanik itigartitsinerata imaattunik oqaaseqarnissannut pissutissaqartippaanga:

Pisortaqarfiup itigartitsinermini tunngavilersuutaa imatut paasisariaqarpara, tas- salu pisortaqarfik isumaqartoq naammagittaalliutit Naalakkersuisunut suliassan- ngortinneqannginnerani Nukissiorfiit K-mi immikkoortotaqarfianniit Nukissiorfiit qullersaqarfiannut naammagittaalliorfissaq atoreersimasariaqartoq. Suliami uani tassaalluni Isumaginninnermit, Suliffeqarnermit Pisortallu Suliassaqarfiutaannut Pisortaqarfik oqartussaasutut qulliunerusutut inissisimasoq.

Aammattaq paasivara itigartitsinermit inatsisitigut tunngavimmisut pisortaqar- fiup nukissamik pilersuineq pillugu Inatsisartut peqqussutaanni § 22-mut piareer- saataasut innersuussutigigai.

Inatsisartut peqqussutaannut piareersaataasut taamaalillutik Nukissiorfiit quller- saqarfiannut allaffissorikkut naammagittaalliorsinnaasoqarneranik pisortaqarfim-

mik tunngavissaqarsorilersitsisinnaanerat pissutigalugu pisortaqarfiup suliamik suliarinninnissaminik itigartitsinerata isornartorsiunnginnissaa toqqarsimavara.

Taamaattorli oqaatigissallugu pissutissaqarsoraanga isumaqarama Nukissiorfinni naammagittaalliorfissat pillugit piareersaataasuni allaaserineqartut innuttaasut naammagittaalliorfissaat pillugit paatsuungatitsilersinnaammata, tassami peqqussutip § 22-at taassumunngalu oqaaseqaatit ataatsimut isigissagaanni, ingerlatsinermut inatsiseqartitsinermi aallaaviusumut tassalu pisortaqarfimmi ataatsimi pisortaqarfiup iluani qulliunerusumut naammagittaalliorfissaqannginnermut, naapertuutinngimmat.

Taamaattumik Inatsisartut Ombudsmandiat pillugu Inatsisartut inatsisaanni § 6. imm. 5 tunngavigalugu Nukissamik pilersuineq pillugu Inatsisartut inatsisaanni naammagittaalliornissamut aalajangersakkap nammineerlunga misissugassanngortinnissaanik isumaliutersuuteqarpunga, tamatumuuna paasiniaarlugu ombudsmandi pillugu inatsisip § 11-a naapertorlugu Naalakkersuisunut Inatsisartunullu nalunaaruteqarnissannut pissutissaqarnerlunga.

Kisiannili nammineerlunga misissuinissannik aalajangertinnanga pisortaqarfik qinnuigaara nalunaarutigeqqullugu qulaani oqaatigineqartut oqaaseqaateqarnissamut imaluunniit saaffiginnissuteqarnera pissutigalugu annertunerusumik iliuseqar-nissamut pissutissaqartinneraat.

...

Suliaq 2. februar 1999-imi eqqaasitsissutigaa, tamatumunngalu peqatig-itillugu makku pisortaqarfimmut annertunerusumik nassuiaqqullugit:

“Siullermik pisortaqarfik qinnuigissavara, tuniniaanermi pilersuinermilu Nukis-siorfiit piomasagaataat, pingajussaaneerlugit naqeqqitat, 1. januar 1998-imiit atuuti-lersut, Naalakkersuisunit, nukissamik pilersuineq pillugu inatsisartut peqqussu-taanni § 20, imm. 1 naapertorlugu, akuerisaasimanersut, qangalu akuersissut pisima-nersoq, ilisimatitsissutigeqqullugu.

Tuniniaanermut pilersuinernullu piomasagaatit Naalakkersuisunit akuerisaasi-mappata, tamatumunnga peqatigitillugu qinnutigaara, tuniniaanermut pilersuiner-mullu piomasagaatit pisortaqarfimmut naammagittaalliornissamut paasissutissanik suna tunngavigalugu imaqarnersut nassuiaateqarfigeqqullugu.

Tulliullugu pisortaqarfik Inatsisartut peqqussutaanni § 22, imm. 1-ip erseqqinne-rusumik qanoq paasineqarnissaa nassuiaateqarfigeqqullugu, pingaartumik paaseru-sullugu § 4, § 5, § 12, § 14, § 17 aammalu 23-imi aalajangiinerit Naalakkersuisunut ingerlateqqinneqarsinnaaneranni, Inatsisartut peqqussutaanni malittarisassat allat tunngavigalugit aalajangikkat Naalakkersuisunut ingerlateqqiisinnaanermut periar-fissaqartinneqarnersut.”

Pisortaqarfiup 19. marts 1999-imi akivaanga:

“Pisortaqarfiup oqaatigissavaa allakkiakkut 23. februar 1998-imeersukkut om-budsmandi taamaallaat Nukimmik pilersuineq pillugu Inatsisartut peqqussutaanni § 22-i innersuussutigimmagu. Pisortaqarfik qinnuigineqarpoq suliaq Nukimmik pil-ersuineq pillugu Inatsisartut peqqussutaanni § 22 naapertorlugu naammagittaalliuut-it saqqummiunneqarsinnaanersoq isummerfigeqqullugu.

Taamaattorli Pisortaqarfik naammagittaalliuutinik suliaqartillugu Nukissiorfiit tuniniaanermut pilersuinernullu piomasagaataanni naammagittaalliornermut ilitser-suutit innersuussutigineqartarput Nukimmik pilersuineq pillugu Inatsisartut peqqus-sutaanni § 22-i innersuussutiginagu.

Pisortaqarfik isumaqarpoq Nukissiorfiit tuniniaanermut pilersuinernullu pioma-sagaataanni tunniussineq, akiligassiissutit il.il. naammagittaalliornissamut periarfis-saq erseqqissumik nassuiarneqarsimasoq. Aamma ilanngullugu oqaatigineqassaaq ilanngukkumalluni immersuiffissakkut sullitat allakkatigoortumik nalunaaruteqar-

nerini tuniniaanermut pilersuinernullu piumasaqaatit piunerat erseqqissumik Nukissiorfinnit malugeqquneqartartoq. Kiisalu tuniniaanermut pilersuinernullu piumasaqaatit Nukissiorfiit immikkoortortaqaarfiini kommunini 17-iiittuni kalaallisuunnngorlugit qallunaatuunngorlugillu pineqarsinnaanngorlugit saqqumitinneqarput.

Ombudsmandip paasinninnera naapertorlugu Nukimmik pilersuineq pillugu Inatsisartut peqqussutaata piareersarneqarnerani piareersaasut naammagittaalliornissamut periarfissamik nassuiaataat innuttaasut naammagittaalliornissamut periarfissaat pillugit paatsuungalersitsisinnaapput. Ombudsmandi isumaqarpoq Nukimmik pilersuineq pillugu Inatsisartut peqqussutaanni § 22 tassungalu nassuiaatit ingerlatsineq pillugu inatsisini aallaavigineqartartumut naapertuutinnngitsut, tassa oqartussaasut ataatsit iluini qaffasinnerusumik ingerlatseqqittoqarsinnaannginneranut naapertuutinnngitsoq.

Ombudsmandip Nukissiorfiit iluini naammagittaalliornissamut periarfissanik paasinninnera naapertorlugu Nukissiorfiit iluini kiisalu Pisortaqaarfiup Nukissiorfiillu akornanni piginnaatitaassutsit agguataarneqarnerat pillugu oqaaseqateqarnissamut pissutissaqartoqalerpoq.

Nukissiorfiit immikkoortortaqaarfiisa innaallagissamik, imermik kiammillu pilersuineq isumagisaraat pilersuutigineqartullu akiligassiisutigisarlugit. Taaku sania-tigut immikkoortortaqaarfiit aqutsinissaminnut piginnaatitaanngillat. Tassa immikkoortortaqaarfiit tassaapput atuisunut toqqaannartumik attaveqartut.

Nukissiorfiit aqutsisui aalajangiisartuupput, kiisalu immikkoortortat innaallagissamik, imermik kiammillu pilersuineri pillugit naammagittaalliutinik tiguisarput suliarinnittarlutillu. Nukissiorfiit tuniniaanermut pilersuinernullu piumasaqaataani, Nukimmik pilersuineq pillugu Inatsisartut peqqussutaanni § 20 naapertorlugu naalakkersuisunit akuerisaasuni naammagittaalliornissamut periarfissap aaqqissuussaanera takuneqarsinnaavoq.

Aammattaq Pisortaqaarfik imminut piginnaatippoq ilisimatitsissutigissallugu Nukissiorfiit tassaammata suliffeqarfiit namminersortitat nammineq piginnaatitaaffillit aalajangiisinnaassuseqartullu. Namminersornerullutik Oqartussat missingersuusionermut ilitersuutaanni erserpoq "suliffeqarfiit namminersortitat ingerlatsinermut aningaasaliissutit ataatsimoortut, suliffeqarfiit namminneq piviusunnngortitassaat, atorlugit annermik aqunneqarput".

Tassa Nukissiorfiit suliffeqarfittut namminersortitatut tassaapput pisortat pilersuiffiutaat namminneq oqartussaassusillit.

Nukissiorfiit namminneerlutik ingerlatsinertik sanaartukkatillu aaqqissuuttarpaat, aquttarlugit aningaasartaalu aamma aquttarlugit. Suliffeqarfik Pisortaqaarfillu ataatsimut oqartussaaffiunngillat.

Ombudsmandip februarip aappaanni 1999-imi apeqqutaa naapertorlugu ilisimatitsissutigineqassaaq Nukissiorfiit innaallagissamik, imermik kiammillu pisortat pilersuineranni tuniniaanermut pilersuinernullu piumasaqaataat 1998-imi januarip aallaqqaataaneersut naalakkersuisunit 18. december 1997 akuerineqarsimmamata. Tuniniaanermut pilersuinernullu piumasaqaatit maanna atuuttut januarip aallaqqaataani 1999-imeersut decemberip 28-iani 1998-imi akuerineqarsimasuupput. Nukissiorfiit tuniniaanermut pilersuinernullu piumasaqaataat kingulliit akuerineqarnerini naammagittaalliornissamut periarfissat allannguivigineqanngillat.

Tuniniaanermut pilersuinernullu piumasaqaatini naammagittaalliornissamut periarfissat aalajangersarneqartarnerat pillugu paasisutissat Nukimmik pilersuineq pillugu Inatsisartut peqqussutaanni nr. 14, 6. november 1997-imeersumi § 22, imm. 2-imik tunngaveqartinneqarput. Pisortat innaallagissamik, imermik kiammillu pilersuinerat pillugu naammagittaalliornissamut periarfissat pillugit malittarisassanik Naalakkersuisut aalajangersaanissaminnut piginnaatitaapput.

Inatsisartut peqqussutaanni § 22, imm. 1-imi inatsisartut peqqussutaanni aalajangersakkat naalackersuisunut ingerlatsinissamik innersuussisut qassiit innersuussutigineqarput. Nukimmik pilersuineq pillugu Inatsisartut peqqussutaanni nr. 14, 6. november 1997-imeersumi §-imi 4, 5, 12, 14, 17 aamma 23-imi takuneqarsinnaavoq aalajangersakkani taakkunani Naalackersuisut suliffeqarfinnut nukissamik pilersuisuusunut piginnaatitsilersartut, tassa aamma suliffeqarfinnut allanut Nukissiorfiit saniatigut. Tassa tamatumuunakkut Nukissiorfiit suliffeqarfiillu pilersuisut allat atuusunut, sanaartortitsisunut il.il. tunngasunik aalajangersaasinnaatinneqarput.”

*Tamatuma kingorna imatut oqaaseqaateqarsimavunga:*

“Pisinnaatitaanera pillugu:

*Ombudsmandi pillugu inatsimmi § 6, imm. 3 malillugu aalajangiinerit allaffissornikkut oqartussamit qulliunerusumit allannngortinneqarsinnaasut pillugit naammagittaalliuutit allaffissornikkut oqartussaq qulliunerusoq taanna suliami pineqartumi aalajangiisimatinnagu suliarisinnaanngilakka.*

*Taamaattumik A-p naammagittaalliuutaanik suliaqarnissamut pisinnaatitaanersunga siullermik A eqqarsaatigalugu Nukissiorfiit aalajangiisimanersut apeqqutaassussaavoq, aappasaanillu aalajangiineq taanna allaffissornikkut oqartussamut qulliunerusumut naammagittaalliuutigineqarsinnaanersaq apeqqutaassussaalluni.*

Ingerlatsinermi inatsisit tunngavigalugit aalajangiisoqarsimanersaq:

*Aalajangiinermik ingerlatsinermi inatsisit tunngavigalugit aalajangiinertut paasinninneq tassaavoq ingerlatsiviup pisumi aalajangersimasumi innuttaasooq eqqarsaatigalugu malittarisassat naliliinerluunniit tunngavigalugu inatsisitigut suut atuuttuunerannik imaluunniit atuuttussaanerannik aalajangersaanera.*

*Aalajangiinermik oqartarnerup avataaniippoq ingerlatsiviup sulinera, iliuuseqarnerpianik imaqartoq, “ingerlatsiviup suliaqarnerpiaanik” taaneqartoq, malittarisassallu naliliinerluunniit aallaavigalugit innuttaasup inatsisitigut inissisimaneranik isummorsorfiunngitsoq. Taamaattorli ingerlatsiviup suliaqarnerpiaanut atatillugu ingerlatsinermi inatsisit tunngavigalugit aalajangiisoqarsinnaavortaaq.*

*Innaallagissamik atuinnermut uuttuutinik atuaaneq akiligassiisarnerlu imminni ingerlatsinermi inatsisit tunngavigalugit aalajangiinerunngillat, tassaallutilli ingerlatsinermi suliaqarnerpiaan Nukissiorfiit suliarisaat.*

*Tamatuma parlattuanik ingerlatsinermi suliaqarnivik pillugu naammagittaalliuutit pillugit aalajangiinerit tassaapput ingerlatsinermi inatsisit tunngavigalugit aalajangiinerit, aalajangiinerni taamaattuni innuttaasup pisortani ingerlatsinermi inatsisitigut malittarisassat tunngavigalugit ingerlatsivimmuut piumasaqaateqarsinnaanera aalajangiivigineqarpat.*

*Suliami pineqartumi maani oqaatigineqarpoq A-p Nukissiorfiit K-mi immikkoortortaqarfiannut attaveqarsimasooq, tassanilu 1995-imi 1996-imilu innaallagissamik atuinnerminik naatsorsuinerat naammagittaalliuutigisimallugu.*

*Aammattaaq oqaatigineqarpoq Nukissiorfiit K-mi immikkoortortaqarfiata A-p utertitsivigineqarluni akiliiffigineqarsinnaannginneranik isummernertut imaluunniit Nukissiorfiit naammagittaalliummik suliarinnik-kumannnginnerattut paasineqarsinnaasumik akisimagaa.*

*Innaallagissamik atuinnermut uuttuutimi peerneqarluni misissugassanngorlugu nassiunneqarnissaanik A-p december 1997-imi oqarfigineqarsimanera naammagittaalliuutit naliliiviginiarnerani immikkut pingaaruteqartutut isigisinnaanngilara, tassami A-p uannut naammagittaalliuunnginnerani suliami aalajangeeqqittoqarsimanersoq oqaatigineqarsimanngimmat.*

*Kisiannili Nukissiorfiit suliamik suliaqarnissaminnik itigartitsisimanagerat sulialluunniit misissuiffigineqarsimanera tunngavigalugu aalajangiisoqarsimanera apeqqutaatinnagu tassani ingerlatsinermi inatsisit tunngavigalugit erseqqissumik aalajangiisoqarsimanera pineqarpoq.*

*Aalajangiineq pineqartoq allaffissornikkut oqartussamut qulliuernerusumut naammagittaalliuutigineqarsinnaanersoq:*

*a. Malittarisassatigut tunngavigisaq:*

*Nukissamik pilersuineq pillugu Inatsisartut peqqussutaanni nr. 14-imi 6. november 1997-imeersumi § 22 imatut oqaasertaqarpoq:*

*“Suliffeqarfiit nukissamik pilersuisut §§-it 4, 5, 12, 14, 17 aamma 23 tunngavigalugit aalajangiinerit Naalakkersuisunut naammagittaalliuutigineqarsinnaapput.*

*Imm. 2. Naammagittaalliorsinnaaneq pillugu Naalakkersuisut malittarisassiorsinnaapput, tassunga ilanngunneqassapput piffissaliussat aamma pissutsit erseqqinnerusumik taasat naammagittaalliuutigineqarsinnaannginnissat pillugit malittarisassat.”*

*Aalajangersakkamut tassunga oqaaseqaatini imatut allassimasoqarpoq:*

*“§§-ini 4, 5, 12, 14, 17 aamma 23-imi Nukissiorfiit suliffeqarfiillu nukissamik pilersuisut allat atuisunut, sanaartortitsisunut il.il. tunngasunik aalajangersaanissaminut pisinnaatitaaffilerneqarput.*

*Suliffeqarfiit nukissamik pilersuisut allaffissornikkut ingerlatsinerat, nakkutillinerat oqartussatut sulinerat pillugit naammagittaalliuutit naammagittaallioartarnermi aqqutit nalinginnaasut atorlugit suliffeqarfiup nukissamik pilersuisuusup aqutsisuiunut ingerlatinneqartassapput. Tamatuma kingorna naammagittaalliuutit Naalakkersuisunut ingerlateqqinneqarsinnaanerat aalajangersakkakkut erseqqisarneqarpoq.*

*Naammagittaalliorsinnaatitaanerup qanoq pisarnissaa pillugu aalajangersaanissamut Naalakkersuisut piginnaatitaaffeqarput, tassunga ilanngullugit pissutsit aalajangersimasut naammagittaalliuutigineqarsinnaannginnerannik aalajangersakkat, piffissaliussat soorlu naammagittaallioarnissamut, kiisalu piumasaqaatit suut naammagittaalliuunnginnermi naammassineqarsimassanersut.”*

*Nukissiorfiit tuniniaanermt pilersuinernullu piumasaqaataanni 1. januar 1998-imeersuni naammagittaalliorsinnaatitaaneq pillugu immikkoortumi 5.6.5-imi imatut allassimasoqarpoq:*

***“Naammagittaalliorsinnaatitaaneq:***

*Nukissiorfiit pilersuinerat akiligassanngortitsineriluunniit il.il. pillugit naammagittaalliuutit najukkami nukissiorfinnut pineqartumut, pilersuisuusumut imaluunniit akiligassat allagartaannik nassiussisusumut, allakkatigut nassiunneqassapput.*

*Najukkami nukissiorfiit aalajangiinerat Nukissiorfiit pisortaannut qitiusumik alaffeqarfimmut, postboks 6002, 3905 Nuussuaq, naammagittaalliuutigineqassaaq.*

*Nukissiorfiit aalajangiinerat Naalakkersuisoqarfimmut naammagittaalliuutigineqarsinnaavoq. Taanna maannakkut tassaavoq Isumaginninnermut, Suliffeqarnermut Pisortallu Suliassaqarfiutaannut Pisortaqarfik.”*

*Pisortaqarfiup oqaaseqaammini 19. marts 1999-imeersumi naammagittaalliortarneq pillugu malittarisassanik paasinninnini uannut ilassutaasumik nassuiarpaa.*

*Pisortaqarfiup tuniniaanermut pilersuinernullu piumasaqaatini naammagittaalliorsinnaanermut periarfissat allaaserineqarnerat inner-suussutigisimavaa, nukimmik pilersuineq pillugu Inatsisartut peqqussutaat inner-suussutiginaq. Tassani tuniniaanermut pilersuinernullu piumasaqaatit Inatsisartut peqqussutaanni § 20 malillugu Naalakkersuisunit akuerineqarsimanagerat pisortaqarfiup ilaatigut inner-suussutigaa.*

*Tamatuma oqartariaqalersippaanga naammagittaalliorsinnaanermik aaqqissuussineq inatsimmi ingerlatsinermiluunniit inatsisini malittarisassatigut aalajangersarneqarsimappat, taanna allaffissornikkut aalajangersakkatigut saneqqunneqarsinnaanngitsaq, allaffissornikkut aalajangersakkat taakku Nukissiorfinnit imaluunniit Naalakkersuisunit aalajangersarneqarsimagaluarpataluunniit.*

*Aamma oqarpunga pisortaqarfiup allakkamini 19. marts 1999-imeersuni paasinninnerminik saqqummiussinera isumaqatiginngikkiga, tassanimi oqaatigineqarmat tuniniaanermut pilersuinernullu piumasaqaatit pillugit aalajangersakkani naammagittaalliorsinnaanermut periarfissaq allaaserineqartoq Inatsisartut peqqussutaanni § 22 inatsisitigut tunngavigalugu Naalakkersuisut akuersissuteqarnerisigut pisimasoq.*

*Taamaalliluni Inatsisartut peqqussutaanni § 20 malillugu akuersissuteqarneq peqqussummi § 22, imm. 2 malillugu naammagittaalliorsinnaaneq pillugu malittarisassanik erseqqinnerusunik Naalakkersuisut aalajangersaanerannut naligitillugu sanilliunneqarsinnaanngilaq, tassami malittarisassat taakku innuttaasunut inatsisitigut sunniuteqassagunik nalunaarutikkoortumik aalajangersarneqartussaammata.*

*Taamaattumik naammagittaalliorsinnaanermik aaqqissuussineq suna Inatsisartut peqqussutaanni aalajangersarneqarnerisigut paasineqaaqartariaqarpoq.*

*Peqqussummi § 22, imm. 1-imi suliffeqarfiit nukissamik pilersuisut aalajangigaannik Naalakkersuisunut naammagittaalliuuteqarsinnaaneq erseqqissumik oqaatigineqarpoq.*

*Tamanna allatut isummernissamut tunngavissaqannginneq pissutigalugu ingerlatsinermi inatsisini oqaasertalersuineq naapertorlugu paasineqartariaqarpoq, taannami naapertorlugu ingerlatsinermi suliaqarnivik pillugu naammagittaalliuutit eqqarsaatigalugit atornerarneq ajor-mat, tassami naammagittaalliuutit suliareqqinneqartarnerat ingerlatsiviup aalajangiineranik oqartussami (qulliunerusumi) allami suliaq pillugu aalajangiisimannigsumi misiliinerummat, tak. suliami pineqartumi*

matumani aalajangiisoqarsimanersoq pillugu siusinnerusukkut oqaaseqaatikka.

Paasinninneq kingulleq § 22-mut oqaaseqaatinik uanga paasinninninut annertuumik pingaaruteqarpoq, tak. tassunga paasinninnera pillugu kingusinnerusukkut oqaaseqaatikka.

Aammattaaq aalajangersakkami tassani peqqussummi §§-t 4,5, 12, 14, 17 aamma 23 malillugit aalajangiinerit naammagittaalliuutigineqarnerat kisimi pineqarpoq.

Isumaqarpunga Nukissiorfiit A eqqarsaatigalugu aalajangiinerat Inatsisartut peqqussutaanni § 22-mi immikkut taaneqarsimasut malillugit aalajangiinerunngitsoq.

Tassanili pineqartoq tassaavoq aalajangiineq tuniniaanermut pilersuinnermullu piumasaqaatini immikkoortumi 5.3 malillugu aalajangiineq, tassanilu imatut allassimasoqarpoq:

“Måleri ikkunneqarsimasoq misissorneqassaaq sullitap taamatullu Nukissiorfiit piumasaqarnerisigut. Sullitaq misissuiartoqqusisimappat, akit atuuttut malillugit tamanna sullitap akilissavaa.

Måleri annertunerpaamik 5%-inik nikingassuteqarpat målerip uuttortagai eqqortutut isigineqassapput, sullitarlu pisussaavoq atuineq akilissallugu.”

Tuniniaanermut pilersuinnermullu piumasaqaatini Inatsisartut peqqussutaanni § 20 inatsisitigut tunngavigineqarpoq.

Taamaattumik aalajangiinerit qanoq ittut Inatsisartut peqqussutaat malillugu Naalackersuisunut naammagittaalliuutigineqarsinnaanersut, imaluunniit Inatsisartut peqqussutaat malillugu aalajangiinerit allat naammagittaalliuutigineqarnerat Nukissiorfiit oqartussatut Naalackersuisut ataanniinnerat inatsisitigut tunngavigalugu Naalackersuisunut naammagittaalliuutigineqarsinnaanerat Inatsisartut peqqussutaanni § 22, imm. 1-imi sukumiisumik oqaatigineqarnerat aamma naliliiffigineqartariaqarpoq.

Inatsisartut peqqussutaannit allaanerusumik tunngaveqarluni naammagittaalliuutit:

Nukissiorfiit pisorta qarfiimmu sanilliullutik oqartussatut allaaneranik pisorta qarfiup paasinninnera ilalersinnaavara.

Kisianni Nukissiorfiit sulinerat Naalackersuisut aalajangersaaffigisallugit piginnaatitaaffeqarfiisa ataanniippoq, tak. Inatsisartut peqqussutaanni § 4, imm. 3 pingaartillugu, taannami malillugu Nukissiorfiit aqunneqarnerat aqqissuussaanerallu il.il. pillugit malittarisassanik aamma suliffeqarfiup Naalackersuisullu akornanni pissutsit pillugit malittarisassanik Naalackersuisut aalajangersaasartuummata.

Aammattaaq Nukissiorfiit tuniniaanermut pilersuinnermullu piumasaqaataat Naalackersuisunit akuerineqartussaapput, tak. peqqussummi § 20.

Naak tamatumunnga peqatigitillugu Inatsisartut peqqussutaanni § 4-mut oqaaseqaatini oqaatigineqartutut Nukissiorfiit ingerlatsinermi aningaasaqarnikkut annertuumik iliuuseqarsinnaatitaagaluartut, matumani

suliffeqarfiup aningaasaliissutitigut namminneertitaanera ilanngullugu eqqarsaatigalugu, suliaasaqarfinni Naalakkersuisut aalajangersaaffigissallugit akuersissuteqarfigissallugillu pisinnaatitaaffeqarfini Nukissiorfiit Naalakkersuisut ataanni aqutsisoqarfittut namminersortuunerat taamalu pisortaqaqarfiup suliaasaqarfinni taakkunani oqartussaasup ataanniinnerat qularutissaanngilaq.

Oqartussaq oqartussaqaqarfirmik allamik qullersaqarpat, innuttaasut oqartussaasup alliuernerusup aalajangigaanik oqartussamut qulliuernerusumut naammagittaalliuuteqarnissamik inatsisit malillugu piumasaqarsinnaanerminnut pisinnaatitaaffeqarput.

Naammagittaalliornissamik pisinnaatitaaffimmu tassunga mattusisusooqassappat taamaalliornissamut inatsisitigut tunngavissaqarnissaq piumasaqaataavoq. Taamatuttaaq naammagittaalliorsinnaatitaanermik killiliinerit allat, assersuutigalugu naammagittaalliorsinnaatitaanerup atorpeqannginnerani aalajangiineq aalajangiisimasumut suliareqqitasanngorlugu utertitsinissamik piumasaqaat, inatsisitigut tunngavissaqarnissamik piumasaqaateqarfiupput, tak. kingusinnerusukkut b-mi oqaaseqaatikka.

Taamaattumik, tak. aamma qulaani oqaaseqaatikka, Naalakkersuisut naammagittaalliorsinnaanermut periarfissat pillugit aalajangersakkanik erseqqinnerusunik aalajangersaanissaminnut § 22, imm. 2-mi periarfissaminnik atuisimannginnerat naliliiniarninnut sunniuteqanngilaq, tassami Naalakkersuisut inatsisitigut erseqqissumik tunngavissaqaratik naammagittaalliornissamut pisinnaatitaaffimmik taassuminnga sukkuluunniit killilersuisinnaanngimmata.

Nukimmik pilersuineq pillugu Inatsisartut peqqussutaanni taassumaluunniit piareersarneqarerani suliani oqaatigineqanngilaq Nukissiorfiit aalajangiinerinik Naalakkersuisunut oqartussatut qulliuernerusunut naammagittaalliorsinnaatitaaneq pillugu ingerlatsinermi inatsisitigut aallaavigineqartup saneqqunneqarnissaa siunertarineqartoq.

Taamaattumik pisortaqaqarfik isumaqatigaara isumaqarmat § 22, imm. 1-ip Inatsisartut peqqussutaanni aalajangersakkanut arlalinnut inner-suussinera naammagittaalliornissamut periarfissanik sukumiisumik allaaserinninnertut paasineqassanngitsoq, kiisalu Nukissiorfiit aalajangersaakkanik §§-nit 4-mit, 5-imit, 12-imit, 14-imit, 17-imit aamma 23-mit allaanerusunik inatsisitigut tunngaveqarlutik aalajangiinerisa Naalakkersuisunut naammagittaalliuutigineqarnissaannut periarfissat mattunneqarsimasutut isigissallugit pissutissaqanngitsoq.

Taamaattumik aalajangiinerit aalajangersimasut naammagittaalliuutigineqarnissaannut inatsisitigut aalajangersagaasumik erseqqivissumik pisinnaatitaaffik Nukissiorfiit Naalakkersuisunik qullersaqarnerisa suliatanerannik erseqqissaanertut aamma suliaasaqarfinni aalajangersakkami taaneqartuni Nukissiorfiit immikkut pisinnaatitaaffeqarfigisaanni naammagittaalliuuteqarsinnaanerup mattunneqarsimannginnera Inatsi-

sartut peqqussutaanni § 22-imut oqaaseqaatinut naapertuuttumik paasineqartariaqarpog.

Taamaattumik eqqikkaallunga oqarpunga A-p naammagittaalliuutaa-  
nut Nukissiorfiit aalajangiinerat Naalakkersuisunut oqartussatut qulliu-  
nerusunut naammagittaalliuutigineqarsinnaasoq.

b. Naammagittaalliorsinnaaneq malittarisassanit immikkut ittunit mat-  
tunneqarsimava killilerneqarsimavaluunniit?

Apeqqut nalornisoorutaasoq tulliuuttoq tassaavoq malittarisassanik im-  
 mikkut ittunik peqarnersoq A-p Naalakkersuisunut naammagittaallior-  
 sinnaaneranik mattussisunik killiliisunilluunniit, matumani tuniniaaner-  
 mut pilersuinernullu piumasaqaatini oqaatigineqartutut pisortaqarfim-  
 mut naammagittaalliuuteqannginnermi atorneqaqqaartariaqartumik Nu-  
 kissiorfiit iluanni naammagittaallionnissamut immikkut aqutissaqarner-  
 soq pingaartumik eqqarsaatigalugu.

Nukissiorfiit suliffeqarfittut ataatsitut inatsisini isigineqarnerat pissu-  
 tigiinnarluguluunniit Nukissiorfiit iluanni naammagittaallionnissamut  
 periarfissaqarneranik oqalunnissamut pissutissaqanngitsog isumaqar-  
 punga.

Taamaattumik tuniniaanermit pilersuinernullu piumasaqaatini najuk-  
 kami oqartussap aalajangiinerata qitiusumik allaffeqarfimmu naamma-  
 gittaalliuutigineqarnissaanik piumasaqaat naammagittaallionnissamut pe-  
 riarfissamik atuilinnginnermi aalajangiineq aalajangiisimasumut sulia-  
 reqqitassanngorlugu utertitsinissamik piumasaqaatit paasisariaqar-  
 poq.

Qulaani oqaatigineqareersutut naammagittaallionnissamut periarfis-  
 samik taamatut killiliisoqassappat inatsisitigut tunngavissaqarnissaq pi-  
 umasaqaataavoq.

Nukissiorfiit oqartussatut Naalakkersuisut ataanni inissisimanerisa ki-  
 ngunerisaanik inasisitigut aalajangersagaanngitsumik naammagittaalli-  
 orsinnaaneq nukimmik pilersuineq pillugu Inatsisartut peqqussutaatigut  
 mattunneqarsimannngimmat, tunisassiornermi pilersuinermilu piumasa-  
 qaati allaffissornikkut aqutsinermi aalajangersagaasut innersuussutiga-  
 lugit A-p naammagittaalliuutaa Naalakkersuisut suliariumannngissin-  
 naanngikkaat isumaqarpunga.

Inatsisartut peqqussutaanni § 22-mut oqaaseqaatit qanoq paasineqar-  
 nissaannik apeqqutinnut pisortaqarfup akissutimini Nukissiorfiit suliffe-  
 qarfitut namminersortitatut inissisimanerannut innersuussinerata aala-  
 jangersagaq tassungalugu oqaaseqaatit pillugit ataatsimoortumik oqaase-  
 qaateqarnissannut pissutissaqalersippaanga, tak. inaarutaasumik oqaa-  
 seqaatikka.

Suliap suliarinissaanut pinnaatitaanera pillugu inaarutaasumik oqaa-  
seqaatikka:

A-p naammagittaalliuutaa paasissutissat pigineqartut tunngavigalugit  
 suliarisinnaanagu isumaqarpunga, tak. Inatsisartut Ombudsmandiat pil-

lugu Inatsisartut inatsisaanni § 6, imm. 3, inatsisitigummi aalajangersa-gaannigtsut tunngavigalugit aalajangiisimaneq pisorta qarfimmuut naam-magittaalliutiginartussaammat.

Suliaq pisorta qarfimmuut naammagittaalliutit ingerlaffissaanut eq-qortumut suliarineqartussanngorlugu ingerlateqqissanerlugu isumaliu-tersuutigisimavara.

Kisiannili Nukissiorfiit allakkat qulaani taaneqartut 18. september 1998-imeersut assilinerisigut A-mut ilisimatitsissuteqarnerisigut A paa-sitinneqarsimavoq suliap suliarineqarnera Nukissiorfiit qullersaqarfi-anni suliareqqinneqalersimasoq, tamatumunngalu atatillugu NESA-TEAM A/S-ip Danmarkimiittup uuttuummik misissuinerani paasissutis-sat nutaat pisarsiarineqarsimasut.

Nukissiorfiit allagaat 18. september 1998-imeersut imatut paasivakka suliami paasissutissat nutaat tunngavigalugit suliffeqarfik aalajangersi-masoq atuinermik nalunaarsuinerit pillugit A-p naammagittaalliutaata akuersaarneqannginnissaa pillugu aalajangeeqqaarnerup allanngortin-neqannginnissaa aalajangiisimaneqassasoq.

Kisianni uuttuut 1995-imi peerneqartoq misissorneqarsimannigisoq oqaatigineqarpog, taamaattumillu uuttuutit marluk A-p naammagittaal-liuummini taasaasa imminnut sanilliullugit assersuunneqarnissaannut periarfissaqarani.

Taamaattorli isumaqarpunga A-p uannut naammagittaaliornerrata ki-ngorna suliap suliareqqinneqarsimaneq pissutigalugu A-p uannut naammagittaalliutaata pisorta qarfimmuut suliaassanngortillugu ingerla-teqqinnginnartariaqariga.

Taamaattumik isumaqarpunga suliami aalajangiineq naammagittaal-liutigissallugu tunngavissaqarnerasoq A-p nammineq naliliiffigisariaqa-raa.

Tamatumunngali peqatigitillugu aalajangiinermut nutaamut atatillugu Naalakkersuisunut naammagittaalliornissamut periarfissaqarneranik A-p ilitsersorneqarsimanniginnera malugaara.

Tamanna tunngavigalugu A allakkatigut allatigut assilineri ilanngullu-git nassiunneqartutigit nalunaarfigaara naammagittaalliutaata pillugu suliami tunngavissat pigineqartut tunngavigalugit iliuuseqaaqqissananga.

Tamatumunnga peqatigitillugu naammagittaalliuteqarnissaminut pe-riarfissani pillugu ilitsersorneqarsimanniginnini pissutigalugu naamma-gittaalliornissaminut suli periarfissaqarneranik A ilitsersuuppara.

Naggataatigullu A ilitsersorpara pisorta qarfimmuut naammagittaalli-orniaruni tamatuma kingorna pisorta qarfiup aalajangiinera uannut naammagittaalliutigeqqissinnaagaa.

Suliami oqaaseqaatikka allat:

Naammagittaalliornissamut periarfissamik Inatsisartut peqqussutaanni § 22-mut ilaatinneqartumik paasinninnera.

*Inatsisartut peqqussutaanni § 22-mut oqaaseqaatit aalajangiinerit peqqussummi § 22-mi taaneqartut pillugit naammagittaalliuutit Nukissiorfiit pisortaannut saaffiginnissutigalugit allannngortitsiniaqqaartariaqarnerannik piumasaaqateqarfiussussaanerannik nalornilersitsinnaasut paasivara.*

*Oqaaseqaatini allassimavoq “suliffeqarfiit nukissamik pilersuisut alaffissornikkut ingerlatsinerat, nakkutilliinerat oqartussatut sulinerat pillugit naammagittaalliuutit naammagittaalliortarnermi aqutit nalinginnaasut atorlugit suliffeqarfiup nukissamik pilersuisuusup aqutsisuinut ingerlatinneqartassapput”.*

*Pisortaqarfiup uannut akissummini 19. marts 1999-imeersumi pingaartumik Nukissiorfiit suliffeqarfittut namminersortitaasutut inissisi-manerat innersuussutigalugu oqaaseqaatini nassuiarsimagai paasivara.*

*Kisianni isumaqarpunga § 22-p piareersaatigalugulu suliat qanoq paasineqarnissaannik nassuiaanermini pisortaqarfiup uannut allagaani 19. marts 1999-imeersuni issuakkat uku pingaartillugit isiginiartariaqartut:*

*“Ombudsmandip Nukissiorfiit iluini naammagittaalliornissamut periarfissanik paasinninnera naapertorlugu Nukissiorfiit iluini kiisalu Pisortaqarfiup Nukissiorfiilli akornanni piginnaatitaassutsit agguataarneqarnerat pillugu oqaaseqaateqar-nissamut pissutissaqartoqalerpoq.*

*Nukissiorfiit immikkoortortaqarfisa innaallagissamik, imermik kiammillu tunni-ussineq isumagisaraat tunniussallu akiligassiissutigisarlugit. Taakku saniatigut im-mikkoortortaqarfiit aqutsinissaminut piginnaatitaanngillat. Tassa immikkoortorta-qarfiit tassaapput atuisunut toqqaannartumik attaveqartut.*

*Nukissiorfiit aqutsisui aalajangiisartuupput, kiisalu immikkoortortat innaallagis-samik, imermik kiammillu tunniussinerit pillugit naammagittaalliuutinik tiguisar-put suliarinnittarlutillu. Nukissiorfiit tuniniaanermut pilersuinerimullu piumasaa-taani, Nukimmik pilersuineq pillugu Inatsisartut peqqussutaanni § 20 naapertor-lugu naalakkersuisunit akuerisaasuni naammagittaalliornissamut periarfissap aaq-gissuussaanera takuneqarsinnaavoq.”*

*Taassuma saniatigut oqaatigineqareersutut naammagittaalliortarneq pillugu ingerlatsineri inatsisini malittarisassat nalinginnaasut saneq-qunneqarnissaat siunertarineqarsimanersoq Inatsisartut peqqussutaanni piareersaatigalugilluunniit suliani takuneqarsinnaannginnera pingaar-tillugu isiginiarpara.*

*Tamatuma imatut paasinnilersippaanga naammagittaalliuutit Nukissi-sorfiit iluanni suliarineqartarneri pillugit § 22-mut oqaaseqaatit inger-latsineri suliarineqartorpiat pillugit naammagittaalliuutit aalajangiif-figinissaannut Nukissiorfiit pisinnaatitaaffiannut tunngassuteqartoq, taa-maattumillu oqaaseqaatit malittarisassanut Nukissiorfiit aalajangigaasa naammagittaalliuutigineqartarnerinut atuuttunut assortuuttuunatik.*

*Taamaalillutik oqaaseqaatit issuiaavigineqartut aalajangiinernik su-liffeqarfinni siammasissuni pisimasunik naammagittaalliuutit suunerinik allaaserinninnerunngillat, Nukissiorfinili suliarineqartorpiat pillugit*

naammagittaalliuutit suliffeqarfiup iluani sumi aalajangiiffigineqarsinnaanerannik allaaserinninnerullutik.

Taamaalilluni taamatut paasinninneq oqaaseqaatit issuaavigineqartut oqaasertalersorneqarnerannik paasinninnermut naapertuulluurtuuvoq, tassaniami aalajangiinerit pillugit naammagittaalliuutit taaneqanngimata, kisiannili aqutsineq, nakkutillineq oqartussatullu suliassat “ingerlatsinermi suliarineqartorpianut” attuumassuteqarajuttut taaneqarlutik, naak § 22-mi imm. 1-ip nammineq oqaasertalersorneqarnerani aalajangiinerit suut pineqartut oqaatigineqaraluartut.

Taamaattumik paasinninnera naapertorlugu oqaaseqaatit imatut paasineqartariaqarput ingerlatsinermi suliarineqartorpiat pillugit naammagittaalliuutit kisiisa aalajangiivigissallugit Nukissiorfiit pisortaasa pisinnaatitaaffigigaat.

Allatut oqaatigalugu aalajangiisarfitut siullertut Nukissiorfiit aalajangiinissaminut pisinnatitaatitaanerat oqaaseqaatigitigut taakkunatigut aalajangersarneqarpoq.

Nukissiorfiit tuniniaanermut pilersuinernullu piumasaqaataat.

Isumaqarpunga tuniniaanermut pilersuinernullu piumasaqaatini imm. 5.6.5-imi aalajangiinissamut pisinnaatitaaneq oqaatigineqartoq naammagittaalliornermilu aqqutissaq allaaserineqartoq Inatsisartut peqqussutaanni aqqqissuussinermut aalajangersarneqartumut Nukissiorfiillu aalajangigaannik Naalackersuisunut oqartussatut qulliunerusunut naammagittaalliorsinnaanermut periarfissamut inatsisitigut aalajangersarneqarsimanngitsumut assortuuttuusooq, tak. qulaani oqaaseqaatikka.

Inatsisartut Ombudsmandiat pillugu Inatsisartut inatsisaanni § 11-mi allassimavoq:

“Ombudsmandip paasiguniuk inatsisartut inatsisaat, inatsisartut peqqussutaat imaluunniit pisortatigut aalajangersakkat amigaateqartut inatsisartut naalackersuisullu tamatuminna nalunaarfignissavai. Kommunit aalajangersagaat amigaateqarpata kommunalbestyrelsimut susassaartumut nalunaaruteqartassaataaq.”

Tamanna innersuussutigalugu Naalackersuisut qinnuigaakka Nukissiorfiit tuniniaanermut pilersuinernullu piumasaqaataat pillugit oqaaseqaatikka sumik isumaliutersuuteqalersitsinersut nalunaarfigeqqullunga.

Matumunnga peqatigitillugu allakkatigut allatigut allakkallu uku assilinerisigut Inatsisartut Inatsisit Atortinneqarnerannut Ataatsimiititaliaat ajornartorsiut pillugu ilisimatippara.”

Naalackersuisut suliami oqaaseqaataannik ukiup nalunaarusiuunneqartup naanerani tigusaqarsimanngilanga.